

ZUMLUA ING!

Ahoih thei in, semkha nuamlo,
Thuman thei in, gen khia ngamlo,
Semzo napi in, semkhia nuamlo,
Ka kingaisutkik ciang, zumlua ing.

Hehpih huaissa napi, hehpihkha tuanlo,
Piakhia zoding napi, pia khia kha lo,
Thei napi in, zui zolo lai,
Ka kingaihsut kik ciang,
zumlua ing.

Hun om napi', tutpih, khawlpah, hopih, kuppih manlo,
Hilhthei napi, hilhnuam tuanlo, Piaktuak napi, pia nuam kha lo,
Ka kingaihsutkik ciang, zumlua ing.

Huhtuak napi, huhkha hiau o, Paihuai napi, paikha hiaulo,
Vehhuai napi, vehkha hiaulo,
Ka kingaihsutkik ciang, zumlua ing.

Bangthu in kei hici dingin hongtawsawn hiam kacih leh:
Katheih loh kisel nopna,
Mannei lo min leh vang kakhual na,
Kei ma nasep khat bek thupi kasak khakna,

Kiim leh paam kakhual khialh na, Mi mai kazahtaak khialh na,
Apiang nailo thu ka kihtak kholh na,

Hih bangthu tengin, nisim naisim honghawsuk, hong
hawlto ahihlam phawkkha pan ing.
Ka kingaihsutkik ciang, zumlua ing.